

# **Bivdoguovlonjuolggadusat- guolástanorganiseren**

## **Lávdegotti evttohus**

### **SISDOALLU**

#### **Kapihtal 1 Bivdoguovllut (sonat) – bivdoriekti, ulbmil, mandáhta**

- § 1 Bivdoguovllut, bivdoriekti dihto sonas
- § 2 Ulbmil
- § 3 Mandáhta
- § 4 Ovddasvástádus- ja rollajuohkin bivdoguovllu ja DG gaskkas
- § 5 Čoahkkinniekti, válddálaš

#### **Kapihtal 2 Bivdoguovlostivra, bivdoguovločoahkkin, jahkečoahkkin**

- § 6 Bivdoguovlostivra – áššit,doaimmat
- § 7 Ovttaráđđi – bivdoguovllut main leat unnán luossareiveeaiggádat
- § 8 Jahkečoahkkin/guovllučoahkkin – sisagohččun, áššit, čoahkkinjodiiheapmi
- § 9 Jahkečoahkkin/guovllučoahkkin- sierra/ovttas bivdit, bivdosajiid juohkin, salašraportereren
- § 10 Jahkečoahkkinášši – bivdoguovlostivraválljen

#### **Kapihtal 3 Eará mearrádusat**

- § 11 Jienastannjuolggadusat - áššit, ovttalu jienat
- § 12 Jienastannjuolggadusat - válggat, ovttalu jienat
- § 13 Njuolggadusaid rievdadit

#### **Mearkkašumit § 4: gč čuovvovaš kapihttaliid luossareivenjuolggadusain- bivdoriekteavttut ja guolástaneavttut**

- Kap. 2 Eatnamiid geahčadeapmi
- Kap. 3 Bivdoguovlojuohkin –luossareive, bivdoriekti juohkin ja sirdin
- Kap. 4 Láigohit bivdoriektit
- Kap. 5 Fierpmástallan – oasálasti,veahkki, sadjásaš

## **Kapihtal 1 Bivdoguovllut – bivdoriekti, ulbmil, mandáhta**

### **§ 1 Bivdoguovllut (sonat), bivdoriekti dihto bivdoguovllus <sup>1</sup>**

Čázadat lea juhkkojuvvon bivdoguovlluide mas vuoigatvuođalaččain, geat devdet fierbmebivdoeavttuid, lea bivdoriekti luossareive vuođul. DG čáliha luossareive mas leat eavttut bivdoriektái ja guolásteapmái dihto bivdoguovllus. Bivdit ii sáhte eará go dan bivdoguovllus gosa lea ožžon luossareive.

### **§ 2 Ulbmil**

Bivdoguovllu ulbmil lea dáhkidit luossareiveeaiggádiid oasálastima ja mielmearrideapmi bivdoguovllu guolástanhálddahasas, ja áimmahuššat luossareiveeaiggádiid oktasaš guolástanberoštumiid ja -vuoigatvuođaid.

### **§ 3 Mandáhta <sup>2</sup>**

Bivdoguovlu ovddasta buot vuoigatvuođalaččaid geain lea luossareive guovllus. Bivdoguovlu meannuda ja čielggada guovllu bivdoáššiid, ja sáhtta buktit cealkámušaid áššiide mat váikkuhit guliide, guolásteapmái ja oktasaš bivdoberoštumiide ja -vuoigatvuođaide.

Bivdoguovlu lágida ieš bivddus ja juohká bivdočázi bivdoguovllu luossareiveeaiggádiidda, ja meannuda ođđa čáliheamiid ja bivdoriektesirdima guovllus. Bivdoguovlu meannuda láigoáššiid bivdovuoigatvuođas jahkái ain hávil, ja buktá cealkámušas go lea sáhka oanehašáigái láigohit bivdoriekti. Bivdoguovlu sáhtta jahkečoahkkinis dahje bivdoguovllučoahkkinis ovttajienalaččat mearridit jahkái ain hávil ahte bivdoguovllu bivdoriekti ii sáhte láiggohit eret čuovvovaš bivdoáigodagas.

Bivdoguovlu ávžžuha luossareiveeaiggádiid dieđihit bivdosállaša DG`ii, maiddáii go ii leat goddán maidege.

### **§ 4 Ovddasvástáduš- ja rollajuohku bivdoguovllu ja DG gaskkas**

Ovddasvástáduš- ja rollajuohku bivdoguovllu ja DG gaskkas meannudeamis ja dohkkeheamis dihto áššiin lea dohkkehuvvon mearriduvvon čuovvovaš kapihtalin *Luossareivenjuolggadusat – bivdovuoigatvuođa ja guolásteami eavttut*:

1. Eatnamiid geahčadeapmi, kapihtal 2
2. Bivdoguovlojuohku- luossareive, bivdovuoigatvuođa čáliheapmi ja sirdin, kapihtal 3
3. Bivdovuoigatvuođa láigohit, kapihtal 4
4. Fierbmebivdu – oasálasti, veahkki, sadjásaš, kapihtal 5

### **§ 5 Čoahkinrieki, válddálaš**

Buot bivdoguovllu luossareiveeaiggádiin lea čoahkinrieki, mas riekti cealkit, evttohit ja jienastit bivdoguovločoahkkinii ja jahkečoahkkinis. Luossareiveeaiggát sáhtta oasálastit persovnnalaččat dahje válddálačča bokte guhte lea dálloalu- dahje bearašlahttu. Fápmudus galgá leat čálalaččat luossareiveeaiggádis, ja gustovaš ovtta čoahkkinii. Ámmáhiidda ii sáhte válljet válddálačča geas alddis ii leat luossareive.

## **Kapihtal 2 Bivdoguovlostivra, bivdoguovločoahkkin, jahkečoahkkin**

---

<sup>1</sup> Jf. Tanaforskriften § 7, 2. Ledd

<sup>2</sup> Jf. Tanaforskriften § 7, 3. Ledd

## **§ 6 Bivdoguovlostivra – áššit, doaimmat**

Bivdoguovlostivrras galgá leat jodiheaddji, nubbinjodiheaddji ja unnimusat okta lahttu, ja unnimusat okta várrelahttu, välljejuvvon jahkečoahkkimis bivdoguovllu luossareiveeaiggádiid bokte ja sin gaskkas.

Bivdoguovllu jodiheaddji koordinere ja jodiha guovllu doaimmaid ja ovddasta bivdoguovllu. Nubbinjodiheaddji doaibmá go jodiheaddji lea eret.

## **§ 7 Ovttasráđđi – bivdoguovllut main leat unnán luossareiveeaiggádat**

Bivdoguovllut main unnit go 3 luossareiveeaiggádat lea ovttasráđđi mii nammada jodiheddji ja nubbinjodiheaddji. Jodiheaddji, dahje nubbinjodiheaddji jos jodiheaddji lea eret, áimmahuššá bivdoguovllu doaimmaid ja ovddasta bivdoguovllu olggul.

Ovttasráđđi mearrida bivdoguovllu guolástanáššiin, gč. § 9. Ovddasvástádus- ja rollajuohku bivdoguovllu ja DG gaskkas lea gustovaš seammalahkai ovttasráđđi ektui, gč. § 4.

## **§ 8 Jahkečoahkkin/guovllučoahkkin – sisagohččun, áššit, čoahkkinjodiheapmi**

Bivdoguovllu jahkečoahkkin galgá lágiduvvot ovdal cuoŋománu 20.b, earret eará mearridan dihti guovllu guolásteami organiserema čuovvovaš áigodahkii, ja välljet miellahtuid ja várreláhtuid guovllustivrii. Bivdoguovločoahkkin lágiduvvo dárbbu mielde.

Bivdoguovlostivra jodiheaddji bokte, dahje nubbinjodiheaddji jos jodiheaddji lea eret, gohčču buot luossareiveeaiggádiid jahkečoahkkimii/guovllučoahkkimii unnimusat 5 beaivvi ovdal. Sisagohččun ja áššelistu dohkkehuvvo čoahkkimis.

Bivdoguovlostivra jodiheaddji bokte, ovddida áššiid mat gáibidit, dahje maid navdá gáibidit, guovllučoahkkin dahje jahkečoahkkinmeannudeapmi. Bivdoguovllu luossareiveeaiggádat sáhttet loktet áššiid giedahallamii.

Guovllujodiheaddji, dahje nubbinjodiheaddji jos jodiheaddji lea eret, rahpá ja jodiha čoahkkima dassáži go čoahkkinjodiheaddji ja beavdegirječalli lea välljejuvvon. Bivdoguovlujodiheaddji sádde duođaštuvvon jahkečoahkkinbeavdegirji DG`ii.

## **§ 9 Jahkečoahkkin/guovllučoahkkin- sierra/ovttas bivdit, bivdosajiid juohkin, salašrapporteren**

Jos lea dárbu, de lágiduvvo jahkečoahkkin/bivdoguovločoahkkin.

Jahkečoahkkin/guovločoahkkin mearrida galget go luossareiveeaiggádat guolástit searválaga dahje sierranassii čuovvovaš áigodagas. Jos jahkečoahkkin mearrida ahte galgá sierrabivdu, de ii galgga mearrádus hehttehussan dasa ahte guovttis dahje eambo luossareiveeaiggádat sáhtte bivdit ovttas njáŋggofirpmiin, buođđut dahje golgadiit.

Jahkečoahkkin/guovllučoahkkin juohká bivdočáziid guovllu luossareiveeaiggádiid gaskkas. Luossareiveeaiggádat berrejit bisuhit bistevas bivdosajiid. Guolástanriidduin mearrida DG, jos jo ášši ii čielgga bivdoguovllučoahkkimis.<sup>3</sup>

Jahkečoahkkin/guovllučoahkkin meannuda ja juohká bivdočázi ođđa luossareiveeaiggádiidda, mearrádusa vuođul man DG lea dahkan bivdorievtti hárrái bivdoguovllus. Jahkečoahkkin/guovllučoahkkin meannuda bivdoriektesirdima guovllus ja bivdoriekteláigoheapmi ovttá jahkái ain hávil, ja buktá cealkámušas gažaldagaide mas lea sáhka oanehisáigái laigohit eret bivdoriekti. Jahkečoahkkin/guovllučoahkkin sáhtta ovttá jahkái ain hávil ovttajenalaččat mearridit ahte bivdoguovllus ii galgga láiggohit eret bivdoriekti čuovvovaš bivdoáigodagas.

<sup>3</sup> Jf. Tanaforskriften § 7, 4. ledd

Vrd. maddai § 4 ovddasvástádusa ja rollajuohkima ektui gaskkal bivdoguovllu ja DG meannudeamis ja mearrideamis dihto áššiin.

Bivdoguovlu berre jahkečoahkkimis/guovllučoahkkimis ávžžuhit luossareiveeaiggáid rapporteret sálláša, maddai go eai gotte maidege, ja jos leaš dárbu, veahkehit bagadallat rapporteremis.

Salašrapporterendieđuid gávdná DG ruovttusiidduin:

[www.tanafisk.no/fiskekort/fangstrapportering](http://www.tanafisk.no/fiskekort/fangstrapportering)

### § 10 Jahkečoahkkinášši – välljet bivdoguovllustivra

Jahkečoahkkín vällje bivdoguovllu luossareiveeaiggáid gaskkas bivdoguovllustivra, gč . § 6. Buot guovllu luossareiveeaiggádat sáhttet välljejuvvot. Jahkečoahkkín mearrida doaimmaáigodaga.

## Kapihtal 3 Eará mearrádusat

### § 11 Jienastannjuolggadusat - áššit, ovtta olu jienat

Čoahkkínjođiheaddji sáhtta evttohit iskkadanjienasteapmi ovdal go loahpalaš jienasteapmi čađahuvvo. Áššit mearriduvvot dakko bokte go čoahkkínjođiheaddji bivdá juogo sin geat dorjot evttohusa, dahje vuosttildit, čájehit jienastamearka. Sáhtta maid vuostejienasteapmi.

Ášši mearriduvvo dábálaš eanetlogu bokte, mii lea eanet go 50 % celkon jienain. Jos ovtta olu jienat, de jienastuvvo ođđasit, jos ain leat ovtta olu jienat, de sáddejuvvo ášši DG`ii meannuduvvot ja mearriduvvot.<sup>4</sup>

### § 12 Jienastannjuolggadusat – vällgat, ovtta olu jienat

Olbmuid välljen sáhtta čađahuvvot go vällje láhttu ja sadjásašláhttu juohke ovttaskas ámmáhii.

Jienasteapmi ordnejuvvo ovtta dáin čuovvovaš vugiid mielde:

- a) *Vällgat lihpuid bokte, main eai leat vuolláičállagat*  
Guhte jienasta, čallá lihppui namma dan evttohasas gean jienasta. Jos gii nu jienasta eambbosiid go mat leat vällgaid alde, eai galgga dat ja namat mat leat loahpas jienastanlihppus lohkkjuvvot. Guoros jienat lohkkjuvvojit celkon jienaid mielde.
- b) *Vällgat vällgamearka bokte*  
Čoahkkínjođiheaddji bivdá sin geat jienastit evttohasa, čájehit jienastamearka. Sáhtta maid čađahit vuostejienasteami. Guoros jienat eai lohkkjuvvo celkon jienaid mielde.
- c) *Vällgat giehtaspeažžuma bokte*  
Jos ii boađe vuosteevttohus sáhtta vällgaid duođaštit giehtaspeažžuma bokte.

Jienasteapmi a) ja b)-čuoggáid mielde:

Jos jienastuvvo 2 evttohasas, de lea välljejuvvo son guhte juksá dábálaš eanetlohku, mii lea eanet go 50 % celkon jienain. Jos ovtta olu jienat, de dahkko 2.gearde jienasteapmi. Jos ain leat ovtta olu jienat de mearriduvvo vällga vuorbádeami bokte.

Jos jienastuvvo eambo go 2 evttohasain, de lea välljejuvvo son guhte juksá dábálaš eanetlohku, mii lea eanet go 50 % celkon jienain. Jos ii oktage juvssa eanet go 50 % jienain, de jienastuvvo ođđasit dan 2 áirasa gaskkas geat fidniiga eanemus jienaid. Leat välljejuvvo go juksá eanet go 50 % jienain.

### § 13 Njuolggadusaid rievdadit

---

<sup>4</sup> Tanaforskriften § 7, 3. ledd

Dáid njuolggadusaid mearrida ja rievdata DG arvat eanetlogu bokte, mii lea eanetlohku mas leat unnimusat 2/3 jienain. Bivdoguovllut sáhttet evttohit rievdadusaid dárbbuset mielde. Rievdadusevttohus áššemeannuduvvo DG bokte ja sáddejuvvo gulaskuddamii bivdoguovlluide ja eará gulaskuddanáhusaide, ja ovdanbukto oktasašcoahkkimii ja luossačoahkkimii meannudit ja cealkámuša buktit, ovdal go DG mearrida njuolggadusaid.